



## უნმინდესმა პატრიარქმა კირილემ სსკგ-ს თავმჯდომარესა და მის მოადგილეებს საეკლესიო ჯილდოები გადასცა



2021 წლის 27 სექტემბერს, უფლის პატიოსანი და ცხოველყოფელი ჯვრის ამალღების დღესასწაულზე, მოსკოვისა და სრულიად რუსეთის პატრიარქმა კირილემ მოსკოვის ქრისტე მაცხოვრის საკათედრო ტაძარში საღმრთო ლიტურგია აღავლინა.

მის უნმინდესობას თანამსახურებდნენ: მოსკოვის საპატრიარქოს საგარეო საეკლესიო კავშირების განყოფილების თავმჯდომარე, ვოლოკოლამსკის მიტროპოლიტი ილარიონი; მს-ს სსკგ-ს თავმჯდომარის მოადგილე კლინის მთავარეპისკოპოსი ლეონიდე; ქრისტე მაცხოვრის საკათედრო ტაძრის მეკლიტური დეკანოზი მიქაელ რიაზანცევი; მს-ს სსკგ-ს თავმჯდომარის მოადგილე დეკანოზი ნიკოლოზ ბალამოვი; მს-ს სსკგ-ს თავმჯდომარის მოადგილე არქიმანდრიტი ფილარეტი (ბულეკოვი); უნმინდესი პატრიარქის კირილეს პირადი მდივანი არქიმანდრიტი ალექსი (ტურიკოვი); ქალაქ მოსკოვის სასულიერო პირები.

ლიტურგიის დასასრულს უწმინდესმა მეუფემ, მისმა თანამსახურმა იერარქებმა და სასულიერო პირებმა ჯვრის სადიდებელი შეასრულეს და თაყვანი სცეს უფლის ჯვარს.

რუსეთის ეკლესიის წინამძღვარმა მორწმუნეებს პირველმდებელთათვის სიტყვით მიმართა.

შემდეგ საგარეო საეკლესიო კავშირების განყოფილების 75 წლის იუბილესთან დაკავშირებით უწმინდესმა პატრიარქმა კირილემ საეკლესიო ჯილდოები გადასცა:

- სამწყემსმთავრო გულმოდგინე შრომისა და წმინდა ეკლესიის სასიკეთოდ განეული ღვანლის გათვალისწინებით და მისი 55 წლის იუბილესთან დაკავშირებით, მს-ს სსკგ-ს თავმჯდომარე, ვოლოკოლამსკის მიტროპოლიტი ილარიონი, ღირსი სერგი რადონეჟელის II ხარისხის ორდენით დაჯილდოვდა;

- სამწყემსმთავრო გულმოდგინე შრომისა და წმინდა ეკლესიის სასიკეთოდ განეული ღვანლის გათვალისწინებით, მს-ს სსკგ-ს თავმჯდომარის მოადგილე კლინის მთავარეპისკოპოსი ლეონიდე, ღირსი სერგი რადონეჟელის III ხარისხის ორდენით დაჯილდოვდა;

- წმინდა ეკლესიის სასიკეთოდ განეული შრომის გათვალისწინებით, მს-ს სსკგ-ს თავმჯდომარის მოადგილე დეკანოზი ნიკოლოზ ბალაშოვი ღირსი სერაფიმე საროველია II ხარისხის ორდენით დაჯილდოვდა.

- წმინდა ეკლესიის სასიკეთოდ განეული შრომის გათვალისწინებით, მს-ს სსკგ-ს თავმჯდომარის მოადგილე არქიმანდრიტი ფილარეტი (ბულეკოვი) ღირსი სერაფიმე საროველის II ხარისხის ორდენით დაჯილდოვდა.

მიულოცა რა მიტროპოლიტი ილარიონს და საგარეო საეკლესიო კავშირების განყოფილების ყველა თანამშრომელს საიუბილეო თარიღი, უწმინდესმა პატრიარქმა კირილემ განყოფილებაში თავისი მუშაობის დრო გაიხსენა, რომელთანაც იგი დაკავშირებული იყო 1968 წლიდან: „მე ვიყავი მიტროპოლიტი ნიკოდიმის მდივანი, რომელიც ხელმძღვანელობდა საგარეო საეკლესიო ურთიერთობების განყოფილებას, როგორც მაშინ ამ დანესებულებას ეწოდებოდა ხრუშჩოვისა და ხრუშჩოვის შემდგომი დევნის უმძიმეს წლებში. შიგნიდან ვხედავდი, თუ რა უზარმაზარ ძალას მოითხოვდა ეს სამუშაო, რა ძლიერ რწმენასა და ვაჟკაცობას, რადგან ბევრი რამ რასაც განყოფილების თანამშრომლები აკეთებდნენ, ქვეყნის იმ საერთო დინების საპირისპირო იყო, რომელიც მიმართული იყო რელიგიური ცხოვრების დასუსტებისკენ და საბოლოოდ მისი სრული დემონტაჟისკენ“.

პატრიარქ კირილეს სიტყვებით, იმ დროს საგარეო საეკლესიო კავშირების განყოფილება „ჩვენი ეკლესიის არსებობისათვის ბრძოლის ყველაზე წინა ხაზზე იდგა“. ამ დანესებულების წიაღში ბრძნული და თანმიმდევრული მუშაობა წარმოებდა, რათა დევნა შეეჩერებინა, ისინი არაეფექტური გაეხადა, ხელისუფლება დაერწმუნებინა, რომ „შეწყვიტა მორწმუნე ხალხის დისკრიმინაციის მანკიერი პრაქტიკა“.

„ეს იყო ერთადერთი დანესებულება ჩვენს ეკლესიაში, რომელიც საეკლესიო-სახელმწიფო ურთიერთობების გზაჯვარედინზე იცავდა ჩვენს მართლმადიდებლურ ეკლესიას“, – აღნიშნა უნმინდესმა მეუფემ.

რუსეთის მართლმადიდებელი ეკლესიის წინამძღვარმა ასევე გაიხსენა, რომ ის იგი თითქმის 20 წლის განმავლობაში ხელმძღვანელობდა საგარეო საეკლესიო კავშირების განყოფილებას. ეს იყო სახელმწიფო წყობის შეცვლის დრო, დრო, როდესაც ეკონომიკა იშლებოდა. განყოფილების ხელმძღვანელობა, ერთი მხრივ, ყველა ძალას იყენებდა იმისათვის, რომ ძალიან მძიმე ეკონომიკურ პირობებში დანესებულება შეენარჩუნებინა, ხოლო მეორე მხრივ, ექცია ის უნარის მქონედ და იმ ამოცანების გადაჭრისაკენ მიმართულად, რომლებიც ეკლესიაში წარმოიქმნებოდა. „ეკლესია შიგნიდან ცდილობდა გავლენა მოეხდინა ხალხზე, რათა შენარჩუნებულიყო მისი სული, მართლმადიდებლური რწმენა, სამშობლოს სიყვარული“, – დაამონმა პატრიარქმა კირილემ.

მისმა უნმინდესობამ განსაკუთრებით აღნიშნა, რომ დღეს მოსკოვის საპატრიარქოს საგარეო საეკლესიო კავშირების განყოფილების წინაშე უმნიშვნელოვანეს ამოცანათა შორის დგას „სამუშაო მსოფლიო მართლმადიდებლობაში არსებული განხეთქილებების დასაძლევად, რომლებიც წარმოქმნილია კონსტანტინეპოლის პატრიარქის უკანონო, ანტიკანონიკური და <...> უგუნური შეჭრით უკრაინაში“.

„ვიმედოვნებ, რომ მისი მაღალყოვლადუსამღვდელოესობა მიტროპოლიტი ილარიონი, მეუფე ლეონიდე, მამა ნიკოლოზი, მამა ფილარეტი და საგარეო საეკლესიო კავშირების განყოფილებას მთელი კოლექტივი ყველაფერს გააკეთებენ იმისათვის, რომ მართლმადიდებელ ეკლესიაში განხეთქილება დაიძლიოს, და ერთხელაც ჩვენ ამ ტაძარში შევძლოთ ადგილობრივი მართლმადიდებელი ეკლესიების მეთაურებთან აღვასრულოთ საღვთო ლიტურგია და ერთი ბარძიმიდან ვეზიაროთ. გვჯერა, რომ ოდესმე ეს მოხდება. მაგრამ იმისათვის, რომ ეს რაც შეიძლება მალე მოხდეს, როგორც ვამბობთ, სანამ არის დღე იგი ცხოვრებისა, ამისათვის საჭიროა, ყველამ ერთად ვილოცოთ. მთლიანი ეკლესია უნდა ლოცულობდეს განყოფის დასაძლევად, ხოლო ამ ველზე უნდა იშრომონ ამ საქმეზე განწესებულმა ძმებმა და დებმა, რომლებიც საგარეო საეკლესიო კავშირების განყოფილებაში მუშაობენ, – თქვა დასასრულს რუსეთის ეკლესიის წინამძღვარმა და განყოფილების ხელმძღვანელობასა და თანამშრომლებზე ღვთის კურთხევა გამოითხოვა.

ხელმძღვანელობისა და თანამშრომლების სახელით მიტროპოლიტმა ილარიონმა უნმინდეს პატრიარქ კირილეს მადლობა მოახსენა:

„თქვენო უნმინდესობაე!

ნება მომეცით, საგარეო საეკლესიო კავშირების განყოფილების ხელმძღვანელობისა და ყველა თანამშრომლის სახელით, რომელთაც ჯერ კიდევ ზაფხულში თქვენი სახელით მიენიჭათ მაღალი ჯილდოები, გულითადი მადლობა გადაგიხადოთ პირველმღვდელთმთავრული ყურადღებისთვის, რომელსაც თქვენ იჩინეთ ჩვენი განყოფილების მუშაობის მიმართ.

ნამდვილად, ეს სამსახური ადვილი არ არის. თუ ვინმე ფიქრობს, რომ ეს დაკავშირებულია დიდ სიხარულთან ან სიამოვნებასთან, მაშინ ის ძლიერ ცდება. უპირველეს ყოვლისა, ჩვენი სამუშაო დაკავშირებულია უზარმაზარ პასუხისმგებლობასთან, რადგან ნებისმიერი შეცდომა შეიძლება ძალიან ძვირი დაჯდეს. და პასუხისმგებლობას, თქვენო უწმინდესობავ, რომელიც თქვენგან და წმინდა სინოდისგან დაგვეკისრა, ჩვენ ყოველდღიურად ვგრძნობთ ჩვენს საქმიანობაში.

მაგრამ ყველაფერი არ არის დამოკიდებული მხოლოდ ჩვენზე. როდესაც ტაიფუნი მოდის, როდესაც ის სახურავებს ხდის, ანგრევს სახლებს, მაშინ ხალხს სხვა არჩევანი არ აქვს, გარდა მისი ლოდინისა, შემდეგ კი ცდილობენ დანგრეული შეაკეთონ და აღადგინონ. სამწუხაროდ, უბედურებამ რომელიც მართლმადიდებელ ეკლესიაზე მოინია, უზარმაზარი ზიანი დაატეხა როგორც ცალკეულ ადგილობრივ მართლმადიდებელ ეკლესიებს, ისე მართლმადიდებელთაშორის ერთობას. მაგრამ ჩვენ მადლიერებით ვიღებთ იმ ფაქტს, რომ ეს ტაიფუნი პირდაპირ არ შეეხო ჩვენს წმინდა ეკლესიას, რომელიც დარჩა ერთიანი, ურყევი, და რომ ჩვენი ეკლესიის ეპისკოპატი, სასულიერო პირები, მონაზვნები, მორწმუნე ერი – რუსეთშიც, უკრაინაშიც, ბელარუსშიც, მოლდოვაშიც და რუსეთის მართლმადიდებელი ეკლესიის კანონიკური სივრცის სხვა ტერიტორიებზე – გრძნობენ თავიანთ ერთობას და მზად არიან ამისთვის იბრძოლონ.

ხოლო მათთვის, ვინც განხეთქილებაში აღმოჩნდა, ჩვენ ვლოცულობთ იმ იმედით, რომ ისინი გააცნობიერებენ საკუთარი ქმედებების უგუნურებას, დაბრუნდებიან კანონიკურ გზაზე და მსოფლიო მართლმადიდებლობის ერთობა აღდგება.

როგორც თქვენ არაერთხელ გაიხსენეთ, ჩვენ სხვა გზა არ გვრჩება, გარდა იმისა როგორ გავყვეთ ეკლესიის კანონიკურ გარდამოცემას და დავიცვათ ის, მიუხედავად ყველა ქარისა, რომელიც სხვადასხვა მხრიდან ქრის.

დარწმუნებული იყავით, თქვენო უწმინდესობავ, რომ საგარეო საეკლესიო კავშირების განყოფილება, თქვენი პირველმღვდელთმთავრული ხელმძღვანელობით, განაგრძობს მომავალში დაგეხმაროთ თქვენი პირველმღვდელთმთავრის ჯვრის ტარებაში, იმ საკითხებში, რომლებიც საგარეო კავშირებს ეხება. რა თქმა უნდა, ეს არ არის მხოლოდ მართლმადიდებელთაშორის კავშირების სფეროსთან დაკავშირებული საკითხები, არამედ ისინი ასევე ეხება ურთიერთობებსა და კავშირებს უცხოდადმადიდებელ სამყაროსთან, სხვა რელიგიურ ტრადიციებთან, უცხოეთში ჩვენს თანამემამულეებთან.

თქვენო უნმინდესობავ, თქვენ თითქმის თანატოლი ხართ საგარეო საეკლესიო კავშირების განყოფილებისა. თქვენ მასზე მხოლოდ ნახევარი წლით უმცროსი ხართ. ჩვენ ამაშიც ვხედავთ ღვთის განსაკუთრებულ განგებას, რადგან, მართლაც, თქვენი მთელი ცხოვრება დაკავშირებულია საგარეო საეკლესიო კავშირების სფეროსთან. ჯერ კიდევ ძალიან ახალგაზრდა, თქვენ ამ გზას შეუდექით, და თითქმის ოცი წლის განმავლობაში მეთაურობდით საგარეო საეკლესიო კავშირების განყოფილებას. მაგრამ ახლაც არ ტოვებთ ამ სფეროს თქვენი პირველმღვდელთმთავრული ყურადღებით, რაც ჩვენთვის ძალიან ძვირფასია.

მე ვისურვებდი, გულითადი მადლობა გადაგიხადოთ თქვენ იმ ჯილდოსთვის, რომელიც გადმოგვეცა ჩვენ და საგარეო საეკლესიო კავშირების განყოფილების თანამშრომლებს, და თქვენს უნმინდესობას ვუსურვო პირველმღვდელთმთავრული მსახურების მრავალი და კეთილი წლები“.

*სსკგ-ს კომუნიკაციის სამსახური*

*მოსკოვისა და სრულიად რუსეთის პრესს-სამსახურის ფოტოები*